


CHRIST. EHRENFR. SEYFFERTI,  
COMMENTATIO HISTORICA,  
EX  
ANTIQUITATE ROMANA ET GERMANICA,  
DE  
N V M M I S  
IN ORE DEFVNCTORVM  
R E P E R T I S,



LINGVA VERNACVLA:

Von dem Gebrauch, wie man vorzeiten die Verstorbenen,  
mit Münzen im Munde, begraben.



LIPSIÆ PRIMVM A. MDIO CCIX.

NVNC VERO

VNA CVM INDICE RERV PRAECIPVARVM  
DENVŌ EDITA.



I E N A E,

PER IO. BERNHARDVM HELLERV M, 1749.





I. N. D. N. I. C.

## PROOEMIUM

**C**ausa instituti nostri unica fuit, proponere Academicum Exercitium, quod, ut inprimis sit directum in Dei gloriam, proximi emolumentum, ut & levium studiorum commendationem, animitus optamus. Monebamur enim in cathedra Philosophica, altera vice nomina nostra (nempe fratres germani puti ipsi SETEFFERTI) exsolvere, & paruimus. Thema, quod huic rei inserviret, non unum ad manus affuit semper, ex omnibus tamen presens eligere placuit. Occasionem istud pertractandi, nobis suppeditavit vana Mortalium cupiditas. Tanta nimi-

*rum tam pristinis quam nostris temporibus, nonnul-  
lorum hominum mentes occupavit avaritia, ut non  
solum pretiosissimos thesauros, in vita colligere, sed  
etiam in ipsa morte eos possidere anxie annisi fuerint.  
Hæc ipsa edoctus Apulejus, nostra sententia adstipu-  
latur, hunc in modum inquit : Et inter mortuos  
vivit avaritia ! Historicorum itaque monumenta  
evolventes, eorundem, non exiguus deprehenditur  
numerus, qui superstitionem suam maxime prodi-  
derunt in eo, quod magnam pecuniæ summam ex vi-  
ta migrantium comitem & in sepulchris custodem  
quasi esse jusserunt ; Imo multi superstitionis vanita-  
te abrepti putarunt, Defunctos maximum inde per-  
cepturos esse fructum, si aliquam pecuniæ speciem vi-  
ribus ipsorum ingererent. Ad discutiendum igitur  
superstitionis hujus ritum, nostram conscripsimus  
Disputationem, quam L. B. in II. Capita dispositam  
inveniet, quorum primum Thematæ Historiam ut &  
ritus hujus fines, alterum vero ejus Moralita-  
tem expendit.*

Faxit Deus feliciter !



CAP.



CAPVT I.

D E

NVMMIS IN ORE DEFVN-  
CTORVM REPERTIS.

§. I.



ecuniam non solum, sed quicquid divi-  
tiarum nomine censetur, rem fluxam  
pariter ac instabilem esse, nemo cum  
B. Jacobo Thomasio (a) inficias ibit.

*Sæpe, inquit, nos hæ opes, dum vivimus, deserunt,  
variis fortuna casibus interceptæ, à nobis autem pro-  
fecto non possunt non deseri, ut primum ex hac vita  
discedimus. Interim exempla docent quamplu-  
rima, multos admodum cum Defunctis magnam  
auri argenti que vim, nî res angusta domi id ipsum  
vetare videretur, sepelivisse, prout ipse laudatus  
Thomasius loco supra citato pluribus ostendit.  
Albanis olim juxta Strabonem (b) pecuniam cum  
mortuis sepelire in loculis, mōs patrius fuit, hinc  
non miraberis, pecuniam cum mortuis absum-*

A 3

tam

tam & subterraneo domicilio reclusam, pauperes fere in perpetuum constituisse hæredes. Eundem morem sepeliendi mortuos cum auro & argento olim apud Romanos fuisse vetitum, apparet ex Ulpiani (c) responso : *Non oportet ornamenta cum corporibus condi, nec quicquam huiusmodi, quod homines simpliciores faciunt.* Minime tamen legi huic se adstringi passi fuerunt. Nam apud Historicos monumenta Romanorum auri argenteique luxu conspicua passim deprædicantur, ex quibus referre præ cæteris placet, quod filiabus Celeberrimi Romani Stiliconis Imperatoris Honorio desponsatis, exstructum fuit, quo aperto prætiosissimus reperiebatur thesaurus, de quo Talandrum (d) confer. Huc etiam facere arbitror, quod Herodotus (e) de sepulchro Regina Nitocris, commemorat, vix enim verbis exprimere potest, quanta magnificentia, quæ simul in magna pecuniæ summa consistebat, illud exornatum fuerit.

- (a) *Program. LVII. de pecun. cum mort. sepult. p. 673.*
- (b) *Lib. XII. p. 142.*
- (c) *in l. 14. §. 5. ff. de relig. & sumpt. fun.*
- (d) *Historischer Welt-Spiegel cent. II. p. 716.*
- (e) *Lib. I. cap. CLXXXVII.*

## §. II. Non

§. II. Non solum vero Gentilibus sed & Judæis mos fuit defunctis tumulis inferendis, adponere pecuniam. Imo non abs re Judæi divitiis implere videbantur tumulos suos, cum ipsis in sermone patrio sepulchrum dicatur למנוח locus quasi desiderii habendi, quin imo locus, qui ore hiantes repleri expetit, à Radice למנוח, concupivit, postulavit. Et quamquam consuetudo hæc, rationi & communi sententiæ Hebræorum Doctorum repugnare videretur. *Præcipiunt enim, inquit Schickardus, (f) sapientes Hebræi cavere, ne quid facile una defodiatur, quod aut pretiosum sit aut honestum, utiliusque possit egenis erogari.* Addit & verba Autor citatus Magistri celebris apud Hebræos Maymonidis, quæ latino idiomate donata adscribamus, quantum ad nostrum institutum faciunt. *Docendi sunt homines, ne sint dissipatores, vel advescant intempestivis perditionibus. Præstat enim ea dare pauperibus, quam sic inutiliter vermibus objicere.* Nihilominus tamen in ipso Salomone Regum alias sapientissimo, Josephus (g) hanc observat vanitatem, quod sepulchro paterno, innumerabilem pecuniæ summam taceam alia vasa argentea, inferre non abstinerit.

(f) de

(f) *de Jure Regio Hebr. Cap. VI. p. 163.*

(g) *Lib. VII. Antiquit. Judaic. Cap. ult. p. 300.*

§. III. Vestigiis Ethnicorum, ut & Judaeorum institerunt quoque Christiani, inter quos etiam irrepere coepit mos cum mortuis pecuniam sepeliendi. Fecit hoc Monachorum ille Ordo, qui referente B. Hieronymo (b) de relictis divitiis cujusdam Confratris, ridiculum hoc praecunte Macario & aliis, capiebant consilium, infodienda ea esse cum ipso, dicentes : *Pecunia tua tecum sit in perditionem.* Addam quoque exemplum quod habet Theobaldus Augvilberdus (i) de usurario quodam in civitate Metensi, avaro valde, ejus enim in sepulchro magna pecuniae summa fuit reperta. Hic morti vicinus amicos suos juramento adstrinxit, ut crumenam denariis plenam secum in sepulchro reponi curarent, quod ex voto quidem factum, postea vero rursus apertum fuit ab iisdem sepulchrum, ut pecuniam reciperent, viderunt autem Daemonem cum magno cochleari ardenti, defuncto pecuniam ignitam infundentem. Id quod vero fabulae, quam verae historiae similis esse existimat celeberrimus Thomasius l. §. 1. cit. Etiam si isthoc quod jam prolatum fuit, cum B. Thomasio in dubium à plerisque merito



rito vocetur, inveniuntur tamen adhuc alia exempla veritati magis congrua, ex quibus dilucide constat, etiam Christianos in gentem pecuniarum summam in sepulchra deponi curasse, nec difficile nobis foret de his adhuc unum alterumve in medium proferre; ast, quoniam propositum nostrum non est ex professo de pecunia in sepulchris reperta, differere, sed speciatim modo de nummis in ore sepulchrorum inventis, merito haec opera superledemus, ablegantes L. B. ad Gretserum (k) qui hac occasione evolvi meretur, conferimus potius nos ad id, quod instituti nostri Thematicae ratio postulare videtur.

- (b) *Epist. ad Eustob. de Custod. Virg. Tom. I. Oper. p. 67. Edit. Basil. 1516.*
- (i) *Mensa Philosophica Tract. IV. Tit. de usurariis.*
- (k) *Lib. I. de fun. Cbrist. cap. VI.*

§. IV. Sub humeris praesertim & genibus Defunctorum, thesaurum sive quandam pecuniarum summam, deponere, Veterum, observante Stephano (l) cura fuit, quam, observationem Grettis Saga, confirmat, de Grettero tumulum Karianimose intrante tractans: *Sub pedibus terricula arculam invenit argento repletam.* Ideo autem id factum, conjecturat Stephanus, quo tu-

B

tior

tior esset thesaurus à malis Harpygarum manibus. Verum enim vero non humeris ac genibus. Defunctorum pecunia solum, sed in ore quoque, quamvis non ingenti copia, tamen una alterave specie reperta fuit. Ethnicos quod concernit, eorum exemplar refert Thomasius in programme antea citato ubi ex sententia Lambecii commemorat hunc ritum à Græcis & Romanis etiam ad antiquos Pannonios transmigrasse. Gemella quoque exempla leguntur apud Lucianum (m) qui simul varias nummorum istorum species adducit.

(l) in *Saxonia Lib. III.*

(m) in *Dialog. præcipue in Dissert. Satyrica de Lucru.*

§. V. Superstitionem hanc gens admodum superstitiosa, Judæi nimirum, sectati sunt, siquidem Kornmannus (n) de ipsis asserit, quod in capitibus corporum jam ante aliquot secula humatorum, aurei nummi reperti fuerint, quos sepeliendis in ora inseruissent.

(n) p. 7. *Mirac. Mort. cap. 64.*

§. VI. Sed quod hætenus de Gentilium pariter ac Judæorum consuetudine absurda narravimus, id quoque inter Christianos in ulu fuisseprehenditur. Sic enim celeberrimus & in antiquita-

quiritatibus versatissimus Tenzelius (o) mēmorat, effosum cranium ante paucos annos ipsi fuisse ostensum, in quo inveniebantur duo bracteati, quibus insigne Landsbergicum literis consuetis LAND, impressum conspiciebatur, ac procul dubio bracteati isti, in os defuncti, cum sepultus esset, immixti fuerunt. Ethodieque exempla hujus rei passim extant. Eruti nuper in Cœmiterio Palæo-Dresdensi fuerunt tres nummi in oribus defunctorum latitantes, quorum unus grossum Bohemicum, reliqui vero monetam Saxoniam non admodum vetustam referebant.

(•) *Monastische Unterredung* Anno 1695. p. 971.

§. VII. Veritas ergo hujus consuetudinis ex allegatis dilucide satis constat, nec facile in dubium vocari poterit, quod de hoc argumento dictum aut scriptum ab hoc vel illo fuit. Siquidem hic ritus non à gentilibus tantum, quos merito plurimarum superstitionum autores nominamus, adhibitus fuit, sed ipsum quoque apud Judæos viguisse, supra dicta abunde declarant. Et sicut gens Christiana non raro ejuscemodi aluit affeclas, qui vanis superstitionibus & inanibus fabulis delectati fuere, ita etiam nec ab hoc superstitionis genere immunes manserunt. Diu vero & per mul-

ta secula ritum hunc durasse, ipsa veneranda loquitur antiquitas. Priscos Ethnicos inventores consuetudinis istius fuisse, id quod sequenti §. VIII. audiemus, non sine ratione creditur, à quibus deinceps ad Judæos, & ab his tandem ad Christiana castra transiit. Varias etiam In ritu isthoc nummorum species usurpatas fuisse, L. B. ex allegatis colligere potest, non enim argenteos solum sed & quandoque aureos nummos oribus immisos fuisse, adducta à nobis exempla comprobant, ubi simul figuræ ipsis impressæ notari merentur.

§. VIII. Ad originem tandem hujus superstitionis ut deveniamus, ordinis ratio postulat, quodque eandem concernit, ea omnino Gentilibus debetur, qui cum in finem nummum in os defuncti indebant, ut Charonti prostygiæ paludis transmissione tanquam nautum, quod *darion* à Græcis teste Lambecio (p) vocabatur, persolveretur, id quod nos Lucianus (q) docet, dum de Gentilibus ita scribit: *Cum quis è domesticis obierit, primum obolum in os indunt, ut sit portitori tractionis merces.* Est & inter alia fabulosa dogmata ipsorum sententia, animabus mortuorum flumen Charontis esse remetiendum, ideo duas vel plures stipes oribus Defunctorum immiserunt, constat

constat id ex Apulejo, (r) ubi inquit : *Huic squalido seni dabis nauli nomine de stipibus, quas feres alteram, sic tamen ut ipse sua manu de tuo ore sumat.* Et paulo post : *Ac deinde avaro nauta, data quam reservamus stipe, transitoque ejus fluvio recalcans prima vestigia ad ipsum cœlestium siderum rediere chorum.*

(p) *Lib. I. de Biblioth. Cas. Part. I. p. 89.*

(q) *in Dialog. & quidem Satyrica Dissert. de Luctu.*

(r) *Metam. VI.*

§. IX. Nihil equidem sine causa fieri sapientum est effatum, nihilominus tamen examinando finem istum, quem Judæi in observando ritu nummos in ora Defunctorum immittendi, intenderint, nihil fuit, quod tanquam causam & finem allegare possemus. Quotquot enim de hoc argumento evolvere licuit Autores, nec quicquam de fine hujus superstitionis à Judæis observatæ commemorant. Si mentem nostram hac in parte explicare liceat, probabilissimum esse putamus, quod Judæi ceu gens superstitionibus & idololatriæ maxime dedita, ut multos alios gentilium ritus, sic & hanc superstitionem cœco quasi impetu imitata fuerit ; Quam sententiam nostram nulli tamen obtrudimus, gratissimum nobis potius e-

rit, si B. L. verum aliquem finem indagare nosque illum docere placeat.

§. X. Sicuti autem Ethnici una cum Judæis certum finem sub hoc ritu intenderunt, ita & Christiani. Duplicem vero ob finem ab ipsis fuisse factum, historiarum monumenta comprobant. Primus eorum erat, ne redeant Defuncti, & relictam pecuniam vel auferant secum, vel saltem hæredes impedian, quo minus commodè eadem utantur. Et ex hoc falso præsupposito, falsa quoque vulgi orta est opinio, quod anima hominis, qui thesaurum quendam abscondisset morteque præventus, placida quiete minime frueretur, nisi pecunia relictæ novum agnosceret Dominum. Fingunt porro exinde, quod animæ mortuorum nocturno tempore ceu lumina appareant in locis istis; ubi magnus thesaurus recondetur. Quæ figmenta eo ipso probare satagunt, quod interdum Spiritus quidam homines vocare soleat, thesauros reconditos ipsis demonstraturus, de quo hinc inde exempla plurima videre possunt, imprimis tamen L. B. ob chartæ angustiam ad Lehmannum (s) ablegamus, qui exemplum speciale narrat. Alter hujus rei finis apud Christianos superstitione hac captos, erat, ne scilicet mortui man-

ducent,

ducent, quod Germanici efferunt per *Schmagen*. Siquidem *Rollenhagius* (1) annotavit, quod etiam suo tempore in *Saxonia* multis in locis, ori *Defunctorum* lapillus cum nummo fuisset insertus, ut à manducando abstinere, quem superstitionis finem *Garmannus* (u) prolixè admodum describit. Mirabilis certe est opinio, qua mortuis actionem aliquam tribuunt, dicunt enim, si linteolum attingant ore istud devorare, & hæc damna exinde oriri, quod mortis crudelitas in totam familiam postea sævire incipiat. Hinc etiam *Vespillones* diversas in diversis locis superstitiones observare dicuntur. *Lipsiæ* hic ut & alibi glebam cespitè conspicuam collo defuncti supponere solent: *Dresdæ* linteum sive collare firmiter affingunt, & id in nullum alium finem, quam ut *Defunctis* occasio manducandi præcludatur. De cadaveribus vero porcorum instar mandentium in cryptis sonantibus, mentionem fecit *Beierus*, (w) *Mullerus* (x) *Stieflerus*, (y) ut & ipse *Lutherus* (z) quæ loca infra citat. Autor. *L. B.* proprio studio, si placeat, consulere potest. Nos interea progredimur ad

(1) *Ertzgebirgischer Schau-Platz* p. 153.

(1) *Lib. IV. mirabil. peregrin. cap. XX.*

(u) de

- (u) *de Miracul. Mort. Libr. I. Tit. 3. §. 7. p. 28.*  
 (w) *in Fast. dictorum Biblicorum Cap. IV. n. 32.*  
 (x) *Annal. Freibergens. p. 254.*  
 (y) *Historien-Schaz Part. II. p. 1911.*  
 (z) *Eissh. Reden Tit. 24. p. 211. 212.*

## CAPVT II.

D E

# MORALITATE HVIVS CONSVETVDINIS.

### §. I.

**E**x iis igitur, quæ capite præcedenti protulimus, duplex emergit quæstio. Quæritur nimirum in genere, quid sentiendum sit de consuetudine, pecuniam cum mortuis sepeliendi? Respondetur: Pecuniam in honorificam sepulturam à cognatis amicis atque hæredibus impendi, res existit laudatu digna, hinc etiam quantum ad decorum defuncti ornatum sufficit, minime refragmur; Reges & illustres personas, præ plebejis funeribus exornari, ut & in morte discrimen appareat, à nobis haud improbatum, moderatum enim sumtum, pro ratione status, conditionis, Regionis, facultatum ac temporum Syracides (a) per-

mittit,



mittit, & exempla sanctorum in scriptura sacra (b) passim probant. Sed luctum convertere in luxum ac humanam miseriam, cujus per mortem nostrorum admonemur, eodem obtegere velle, præposterum atque stolidum omnino censetur. Verum enim manet illud Hiobi: (c) *nudus egressus sum de utero matris meae; & nudus revertar illuc.* Neque non illud Apostoli (d) *Nibil intulimus in hunc mundum, baud dubium, quia nec auferre quid possumus.* Multo magis opes ipsas, auream argenteamque suppellectilem, quæ neutiquam ad decentem defuncti ornatum requiritur, cum ipsis condere, plane absurdum esse, cum B. Thomaſio (e) existimamus; *Anima, inquit, hominis, mortui ac defuncti cum mundo etiam omnes eius delicias relinquit hinc, pecunia siue beatis cœlitibus ea societur, non indiget, siue ad inferos descendat, juvari nec quicquam potest.*

(a) Cap. 38. v. 17.

(b) Gen. 50. v. 1. Matth. 27. v. 59. Job. 19. v. 39.

(c) Cap. 1. v. 21.

(d) 1. Timoth. 6. v. 7.

(e) Programm. antea cit. p. 674.

§. II. Rejjicitur itaque plane hic mos partim legibus civilibus, (f) ubi sermo est de religiosis & sumpt-

& sumptibus funerum. Sin vero nobis hoc loco aliquis objicere veller : Quid si ipse Defunctus ; cujus voluntas alias sancte observatur, in testamento talia fieri jusserit, nonne tenentur hæredes iussa ejus perficere ? Respondemus : minime juxta Legem (g) obstricti sunt. Unde & Magistratus Lege (b) præscripta depositos in sepulchris thesauros citra injuriam ossium eruendi, salvam de jure sibi adscripsit potestatem. Qua etiam Lege usus fuit Theod. Rex, ille enim thesauros in sepulchris repertos in commodum publicum adhibere Duda Sajoni jussit (i) his verbis : *Ideo moderata jussione decernimus, ut ad illum locum, in quo late-re plurima suggeruntur, sub publica testificatione convenias : Et si aurum ut dicitur vel argentum fuerit, tua indagatione detectum, compendio publico fideliter vindicabis, ita tamen ut abstineatis, manus à cineribus mortuorum. Edificia tegant cineres, columnæ vel marmora ornent sepulchra ; Talenta non teneant, qui commercia vivorum reliquerunt. Aurum enim juxta sepulchris detrahatur, ubi Dominus non habetur ; Imo culpa genus est, inutiliter abdita relinquere mortuorum unde se vita potest sustentare viventium. Non enim est cupiditas eripere, qua nullus se Dominus ingemescat amisisse.*

Hinc

Hinc summa Davidici authoritas, non obstitit Hieronimo Pontifici, ille, prout Iosephus (k) annotavit ab Antiocho, Demetrii filio, cognominè pio, oppugnatus, pecunia deficiens, aperuit Davidis monumentum & prolata tria talentorum millia, ad solvendam nimirum Hierosolymarum obsidionem, convertit, ea quæ relicta erant, post complures annos Herodes Rex secum abstulit.

- (f) l. 14. §. 5. ff.
- (g) l. 113. §. ultimo ff. de Legat. 1.
- (b) l. 4. §. penult. ad l. Jul. pecul.
- (i) apud Cassiod. l. 4. var. Epist. 34.
- (k) de bello Jud. Lib. 1. Cap. 2.

§. III. Rejicitur quoque *partim* sana ratio-  
ne, quippe quæ injustum esse judicat, opes ex com-  
mercio vivorum surripere & mortuis nulla in par-  
te profuturas sepelire. Cui enim bono mortuis  
pecunia? Quam parum etenim opes conditæ de-  
functis usui sint, tristis abunde declarat eventus, spe-  
lucris scilicet invitati fures, sepulchra demoliuntur,  
corpora disjiciunt ac proterve violant. Alexius  
Angelus Græcorum Imperator, recensente Erasmo  
Francisco, (l) pecunia indigus è templo aurea va-  
sa in usum suum convertere, non erubescens; Cœ-  
sarum quoque conditoria perscrutatus est, spem-  
que

que firmissimam habuit, in sepulchro inprimis Constantini M. ingentes invenire thesauros, ast frustra ! Ornamenta enim à furibus omnia, qui cum anteverterant esse direpta, perturbata haud dubio cognovit mente. Tempore quoque Antonini M. milites quidam, ut Titius (m) annotavit in Seleucia sepulchrum aperuerunt lpe freti, ingentem ibi pecuniæ summam inveniendi, sed pestilentissimus odor exhalavit, qui toti mundo magnam intulit stragem. Plurima exempla Kirchnerus (n) L. B. de hac materia communicabit.

(l) Schaub. P. m. p. 526.

(m) Exempelb. p. 1705.

(n) Lib. 3. Cap. 14. p. 506.

§. IV. Talia evidentissima damna ex ritu isthoc profluentia, secum perpenderunt S. Patres, vehementer enim omnem luxum & ostentationem circa sepulturam detestati sunt. Hieronymus (o) inquit : *cur & mortuos vestros auratis obvolvitis vestibus ? Cur ambitio inter luctus lacrymasque non cessat ? An cadavera divitum, nisi in serico putrescere nequeunt ?* Huic assentit S. Chrysostomus (p) dicens : *Tu cum audieris nudum Dominum resurrexisse, cessa queso ab insana funeris impensa. Quid sibi hoc superfluum vult & inutile dispen-*

*dispendium, quod ipsis, qui faciunt, plurimum adfert detrimenti, mortuis nullam utilitatem, vel damnum potius. Sumptuosa namque sepultura interdum causa est, ut fures Cadaver effodiant, & nudum & insepultum projiciant. Pertinent huc Ambrosii verba, quæ Quenstedt (q) repetit, sic lonantia: Quid proficit sepulchrorum superbia, damna sunt potius viventium quam subsidia mortuorum. His addam verba Drexelii Jesuitæ (r) dicentis: Sæpe funeris sumptuosa nimium pompa est, ipsis mortuis induimus superbiam. Ab! quid ista manes juvant? Verbo veteri non raro dixeris: Honorantur, ubi non sunt, & ubi sunt cruciantur. Si itaque luxum & ostentationem circa sepulturam adeo detestati sunt, multo magis repudiarunt pecuniam ipsam cum mortuis sepeliri.*

- (o) *in fine Libri de vita Pauli Erimitæ.*
- (p) *Homilia 84.*
- (q) *Tract. de Sepult. Vet. cap. 14. p. 337.*
- (r) *in Tobia Paris. I. cap. 4. §. 1.*

§. V. Imo Ethnica gens sapientia illustis, ejusmodi damna è consuetudine isthac oriri, cognovit, hinc non solum ex eorum medio quidam splendida ornamenta sibi erigi serio deprecati fuer, ut Solon, Plato, Euripides & alii fecerunt,

quorum detestationes circa sepulturæ luxum Rapius (s) annotavit. Hos imitatus fuit Saladinus, magnus ille Orientis Monarcha, de quo Quenstedt (t) refert, quod minime opulentiam suam vermibus ostentare voluerit, hinc mortis vicinus ipsum testamento quodam condito omnem funeris pompam abdicasse dicitur, imo perhibetur, mandasse corpus suum in lancea præferri lineæ interulæ lacerum fragmentum, velut alii volunt, atri coloris obsoletam tunicam, præcinnente quodam ad populum sequens epiphonema :

*Floruit in toto qui Rex Oriente superbus,*

*Hunc nisi panniculum possidet ecce ! nihil.*

Vel juxta alios ;

*Vixi divitiis regno, tumidusque trophais :*

*Sed pannum heu ! nigrum nil nisi morte tuli.*

Imo nonnulli in specie prohibuerunt, ne ipsorum sepulchris aurum argentumque inferretur, inter quos Cyrum, Persarum Regem, allegasse sufficiat, qui filios suos testante Xenophonte (u) ante mortem ita fuit allocutus ; *Meum corpus, cum moriar, non in auro condite, neque in argento, neque in alia re prorsus ulla, sed illud terra condite quamprimum, quid enim hac re beatius quam terræ misceri,*

*miseri, quæ pulchra omnia gignit & nutrit?* Quid igitur de isto ritu pecuniam cum mortuis sepeliendi sentiendum, ex jam dictis L. B. constabit.

(s) *Biblioth. portat. Part. Pract. Loc. 30. de mort. §. II.*

(t) *in Tract. de Sepult. Vet. Cap. 16. p. 356.*

(u) *Lib. II. Cyropæd.*

§. VI. Accedimus nunc ad alteram quæstionem, quam paulo accuratius disquirere operam dabimus, ubi in specie quæritur, quid sentiendum de consuetudine nummum in os defuncti indendi? Dum quæstionem isthanc ventilare ejusque moralitatem expendere animus est, nos non respicimus in genere ad omnes gentes, quibus in more positum fuit, defunctos suos hoc ritu terræ mandare, sed de Christianis in specie loquimur, qui consuetudinem hanc ab Ethnicis acceptam in sepeliendis suis defunctis adhibuerunt. Ethnicos igitur hic mittimus; Mens enim ipsorum, dum lumen rationis, data opera suffocaverunt, Dei permissu ita excœcata fuit, ut non solum vera & salutari cognitione Divini Numinis destituti, sed etiam ipsi in sensum reprobum dati fuerint, ex quo deinceps factum est, ut innumeros fere Deos sibi finxerint, & in absurdissimas superstitiones prolapsi fuerint, inter quas omnino referri

referri mæretur, nummos in ora defunctorum immittendi ritus. Neque etiam de Judæis, qui itidem hunc ritum à Gentilibus usurparunt, sermo nobis erit, sed uti jamjam monuimus de Christianis solummodo. Certe vix mente satis comprehendere quis potest, cur inter Christianos quoque hic mos nummos in ora defunctorum indendi irrepserit, inprimis si duplicem finem, quem superstitione isthac intenderunt, respiciamus, de quo Cap. I. §. ult. prolixius actum fuit.

§. VII. Merito hinc à nobis rejicitur ritus iste, *partim*, quia unice Gentilismum redolet, & ejusmodi mores in religionem Christianam introducit, qui corruptam Gentilium mentem agnoscunt autorem. Non equidem hic improbamus Gentilium inventa, quæ cum recta ratione conveniunt, nec revelatæ salutis nostræ cognitioni repugnant, in usum suum convertere, aut in hac parte gentilium vestigiis insistere. Multa enim certe sunt, quæ in cultura rationis, naturæ pervestigatione, rerumque gestarum cognitione suppeditant ipsi Gentiles, quæ non sine maximo emolumento ab ipsis petimus, sed mores ipsorum absurdos rationique nullo modo conformes imo noxios assumere tantum abest, ut svadeamus, ut potius Christianis



stianis eo magis ab istis abstinendum esse existima-  
mus, quo longius veritas doctrinæ Christianæ ab  
absurdis Gentilium fabulis aut nugis anilibus dif-  
fert.

§. VIII. Rejicitur *partim* etiam vel ideo,  
quia duo in specie præsupponit falsa, quæ cum re-  
ligione Christiana minime stare possunt. Fal-  
sum omnino est statuere, quod animæ à corpori-  
bus separatæ redire possint, aut viventes turbare.  
De animabus etenim piorum è sacra scriptura (*vv*)  
certissime constat, illas statim post dissolutionem  
à corpore, in locum venire beatorum & ἀπαύται bea-  
tas esse. Nec optabunt in his terris ulterius vaga-  
ri. Impiorum autem animæ in locum æternæ dam-  
nationis abjiciuntur, ibique docente scriptura sa-  
cra, (x) in ψυλαὶ tenentur. Quis igitur crederet  
illas adhuc in his terris circumvagari posse? Mon-  
strato hoc falso, & illud subjungere possumus, quo  
putant mortuos amore in relictam pecuniam tan-  
gi. Non equidem credam, quod ejusmodi ho-  
mines inveniantur, qui statuunt mortuos etiam  
in altera vita auri argentiq̃ usu gaudere. Ete-  
nim si quis hanc auri argentiq̃ utilitatem adstru-  
ere annis fuerit, certè & hoc largietur absurdum,

D

com-

commercium tractari, cum aliis effingi finis neutiquam possit.

(v) *Apoc. 14. v. 13.*

(x) *1. Petr. 3. v. 19.*

§. IX. Inquirendum tandem, an mortui etiam instar porcorum manducant & lintea devorent? Non equidem in dubium vocare volumus, quod Diabolus circa sepulchra aut monumenta defunctorum tumultum excitare possit hominumque mentibus timorem incutiat, aut ad superstitionem conducat, sed quod defuncti, qui in sepulchris istis conditi jacent, autores strepitus istius sint, qui circa ipsorum monumenta auditur, id nulla ratione evinci poterit; Multo minus autem credere fas est, quod mortui inhumati tantoque pondere terræ onerati porcorum instar manducant, ita ut sonus inde à prope adstantibus audiri queat. Et licet exempla adferantur, quorum nonnulla ab authoribus in fine Cap. I. allegatis recensentur, quod cadavera postea effossa integra ferme lintea deglutiverint, pro ludibrio Diaboli, misere hominibus superstitiosis permitti DEI imponentis, illud est habendum. Nulla enim ratione per naturam fieri potest, ut cadaver omni vita & motu destitutum, tale quid faciat, ad quod motus & vita

vita requiruntur. Ethnici sapientiores jam olim  
in proverbio hoc agnoverunt dicentes : οἱ δεινότεροι  
ἂν ἀνθρώποι.

§. X. Asserti hujus absurditas eo dilucida-  
tius apparet, si consideramus, quod fiduciæ no-  
stræ, quam unice in DEO collocare debemus, re-  
pugnet; Ista neutiquam permittit, ut ab alio ali-  
quid sive boni sive mali expectemus, quam à DEO  
(1). Hinc Tertullianus inquit : *Nec in porco-  
rum gregem Diaboli legio habuit potestatem, nisi  
eam de Deo impetrasset, tantum abest, ut in opes Dei  
habeat. Possum dicere porcorum setas tunc nume-  
ratas apud DEVM fuisse, nedum capillos sancto-  
rum.* Qui autem has inanes curant traditiones,  
ipsarum etiam effecta timent, & per consequens  
non à DEO, sed ab alio mala sibi immitti credunt.  
Omnipotentis quoque divinæ detrahit, si creda-  
mus, quod mortuorum talis manducatio fatalem  
familiarum exitum causetur, negatur enim tali  
modo implicite, quod solus DEVS hominibus  
terminum vitæ præfigere soleat, quum tamen ex-  
presse (2) nominatur Mortuorum ac Viventium  
Dominus. Certissimum igitur est, quod hæc  
traditio inventum sit Satanæ, quo homines à vero  
Deo & fiducia in eum abducere, suamque contra  
D 2 regnum

regnum ampliare laborat. Omnem itaque fiduciam in toto vitæ nostræ curriculo solummodo in DEO mortuorum ac viventium Domino merito collocare debemus, ejus enim in potestate unice positum est, totam familiam mortis crudelitate extirpare, quin imo benignitati ejus adscribamus, si iterum Angelum percussorem verbo alloquitur solatii pleno :

## S V F F I C I T !

(1) *Amos 3. v. 6.*

(2) *Rom. 14. v. 9.*



## EPILOGVS.

**E**t hæc sunt L. B., quæ pro ingenii modulo præmissis II. Capitibus de Nummis in ore defunctorum repertiis, brevi penicillo delineare libuit. Primis tantum labris rem degustavi.

*flavimus, solidiori discussione Do-  
 ctioribus relictæ. Interim illud addi-  
 mus Quintiliani: Siquid desit operæ,  
 suppleat ætas, & si quæ dicta sint  
 juveniliter pro indole accipiantur.  
 Hinc benignum abs Te L. H. expe-  
 ctamus iudicium, nosti enim, nihil  
 unquam ex omni parte perfectum in  
 lucem editum, ac si errores forsitan  
 deprehenderis, scias, Juvenes nos  
 (scil. Præf. & Resp. ut fratres ger-  
 mani SEYFFERTI,) esse, qui melio-  
 ra edocti, corrigi se lubentissime pa-  
 tiantur. Cum illo itaque cuius au-  
 xilio freti & adjuti negotium no-  
 strum aggressi, ut & in eo pro-  
 gressi sumus, etiam egre-  
 dimur, dantes.*

SOLI DEO GLORIA.



INDEX  
RERVM PRAECIPVARVM  
DISSERTATIONIS  
DE  
NUMMIS  
IN ORE DEFVNCTORVM  
REPERTIS.

- Caput I. agit in genere de pecunia in sepulchris  
reperia, & quidem 1. apud Ethnicos, §. I. pag. 5  
2. apud Judaeos, §. II. p. 7  
3. apud Christianos, §. III. p. 8  
In specie de Nummis in Ore Defunctorum re-  
pertis, agitur 1. apud Ethnicos, §. IV. p. 9  
2. apud Judaeos, §. V. p. 10  
3. apud Christianos, §. VI. ibid.  
Patet hinc 1. Consuetudinis istius veritas, §. VII. 11  
2. ejus antiquitas, §. VII. p. 11. 18  
3. Nummorum Varietas, §. VII. p. 12  
De origine hujus superstitionis, & sine incendi  
nummum in Os Defuncti, & quidem 1. apud Ethni-  
cos, §. VIII. ibid.  
De